

佚存叢書

1冊
563
14



門 1 4
卷

新念圖書
木村榮市君
贈此書以為
其先考紀念
維時明治三
十九年九月
新念圖書



唐才子傳卷第五目錄

盧仝	馬異	劉叉	李賀
李涉	朱晝	賈島	莊南傑
張碧	朱放	羊士諤	姚係 <small>姚倫</small>
翹信陵	張登	令狐楚	楊巨源
馬逢	王涯	韓愈 <small>張署</small>	柳子厚
陳羽	劉禹錫	孟郊 <small>陸長源</small>	
戴叔倫	張仲素	呂溫	張籍
雍裕之	權德輿	長孫佐輔	楊衡

蘇詩文	蘇轍與	蘇詩評	蘇詩
蘇詩論	蘇詩素	呂品	張濬
刺評	陸山邊	孟郊	
溫造	王珣	韓愈	歐陽修
歐陽文	張登	合孫登	蘇詩
張登	宋斌	羊士諤	劉禹錫
李益	宋豐	賈島	莊南院
盧仝	溫良	陳文	李賀
歐陽文	劉禹錫	西域	辛人
文房	文房	撰	文

唐才子傳卷第五

唐才子傳卷第五

一蘇盧仝詩集一卷今刪○古詩云詩魚戲四立河

全范陽人初隱少室山號玉川子家甚貧惟圖書堆積後卜居洛城破屋數間而已一奴長鬚不裹頭一婢赤脚老無齒終日苦哦隣僧送米朝廷知其清介之節凡兩備禮徵為諫議大夫不起時韓愈為河南令愛其操敬待之嘗為惡少所恐訴於愈方為申理全復慮盜憎主人願罷之愈益服其度量元和間月蝕全賦詩意切當時逆黨愈極稱工餘人稍恨之時

王涯秉政胥怨於人及禍起全偶與諸客會食涯書館中因留宿吏卒掩捕全曰我盧山人也於衆無怨何罪之有吏曰旣云山人來宰相宅容非罪乎蒼忙不能自理竟同甘露之禍全老無鬚奄人於腦後加釘先是生子名添丁人以爲讖云全性高古介僻所見不凡近唐詩體無遺而全之所作特異自成一家語尙奇譎讀者難解識者易知後來倣效比擬遂爲一格宗師有集一卷今傳○古詩云枯魚過河泣何時悔復及作書與魴鱖相戒慎出入斯所以防前之覆轍也全志懷霜雪操擬松栢深造括囊之高夫何

戶庭之失噫一蹈非地旋踵逮殃玉石俱焚可不痛哉

異睦州人也興元元年禮部侍郎鮑防下進士第二人少與皇甫湜同硯席賦性高踈詞調怪澁雖風骨稜稜不免枯瘠盧仝聞之頗合已志願與結交遂立同異之論以詩贈荅有云昨日仝不同異自異是謂大同而小異今日仝自同異不異是謂同不往而異不至斯亦怪之甚也後不知所終集今傳世

又所劉叉

又河朔間人一節士也少尚義行俠傍觀切齒因被
酒殺人亡命會赦乃出更改志從學能博覽工爲歌
詩酷好盧仝孟郊之體造語幽蹇議論多出於正冰
桂雪車二篇含蓄諷刺出二公之右矣時樊宗師文
亦尙怪見而獨拜之特故時所負自顧俯仰不能與
世合常破履穿結築環堵而居休焉聞韓吏部接天
下貧士步而歸之出入門館無間時韓碑銘獨唱潤
筆之資盈缶因持案上金數斤而去曰此諛墓中人
所得耳不若與劉君爲壽不能止其曠達至此初玉
川子履道守正反關著述春秋之學尤所精心時人
不得見其書惟又愜願曾授之以奧旨後無所傳又
剛直能面白人短長服其義則又熱愛若親屬然後
以爭語不能下客去遊齊魯不知所終詩二十七篇
今傳

李賀

賀字長吉鄭王之孫也七歲能辭章名動京邑韓愈
皇甫湜覽其作奇之而未信曰若是古人吾曹或不
知是今人豈有不識之理遂相過其家使賦詩賀總
角荷衣而出欣然承命旁若無人援筆題曰高軒過
二公大驚以所乘馬命聯鑣而還親爲束髮賀父名

晉肅不得舉進士公爲著辯諱一篇後官至太常寺
奉禮部賀爲人纖瘦通眉長指爪能疾書日日出騎
弱馬從平頭小奴子背古錦囊遇有所得書置囊裏
凡詩不先命題及暮歸太夫人使婢探囊中見書多
卽怒曰是兒要嘔出心乃已耳上燈與食卽從婢取
書研墨疊紙足成之非大醉弔喪率如此賀詩稍尙
奇詭組織花草片片成文所得皆驚邁絕倫翰墨哇
逕時無能効者樂府諸詩雲韶衆工諧於律呂嘗歎
曰我年二十不得意一生愁心謝如梧葉矣忽疾篤
恍惚晝見人緋衣駕赤虬騰下持一板書若太古雷

文曰上帝新作白玉樓成立召君作記也賀叩頭辭
謂母老病其人曰天上比人間差樂不苦也居頃之
窗中敦敦煙氣聞車聲甚速遂絕死時年二十七莫
不憐之李藩綴集其歌詩因託賀表兄訪所遺失并
加點竄付以成本彌年絕迹及詰之曰每恨其傲忽
其文已焚之矣今存十之四五杜枚爲序者五卷今
傳○孟子曰其進銳者其退速信然賀天才俊拔弱
冠而有極名天奪之速豈恡也耶若少假行年涵養
盛德觀其才不在古人下矣今茲惜哉

李涉

涉洛陽人渤之仲兄也自號清溪子早歲客梁園數逢兵亂避地南來樂佳山水卜隱匡廬香爐峯下石洞間嘗養一白鹿甚馴狎因名所居白鹿洞與兄渤崔膺昆季茅舍相接後徙居終南偶從陳許辟命從事行軍未幾以罪謫夷陵宰十年蹭蹬峽中病瘡成痼自傷羈逐頭顱又復如許後遇赦得還賦詩云荷蓑不是人間事歸去滄江有釣舟遂放船重來訪吳楚舊遊登天台石橋望海得風水之便掛席浮瀟湘岳陽逢張祐話故因盤桓歸洛下營草堂隱少室身自耕耘妾能織維稚子供漁樵落拓生計伶俜酒鄉

罕交人事大和中宰相累薦徵起爲太學博士卒致仕妻亦入道涉工爲詩詞意卓犖不羣世俗長篇敘事如行雲流水無可牽制才名一時欽動初嘗過九江皖口遇夜客方踈伏問何人曰李山人豪首曰若是勿用剽奪久聞詩名願題一篇足矣涉欣然書曰暮雨瀟瀟江上村綠林豪客夜知聞他時不用藏名姓世上如今半是君大喜因以牛酒厚遺再拜送之○夫以跼蹐之輩猶知憐才而至寶橫逆君子顧不忍哉詩集一卷今傳

朱晝

唐才子傳 卷五
五
晝廣陵人貞元間慕孟郊之名爲詩格範相似曾不
遠千里而訪之不厭勤苦體尙奇澁與李涉友善相
酬唱晝古鏡詩云我有古時鏡初自壞陵得蛟龍猶
蟠泥魑魅幸月蝕磨久見菱葉青於藍水色贈君將
照心無使心受惑凡如此警策極多今傳于世

賈島

島字閔仙范陽人也初連敗文場囊篋空甚遂爲浮
屠名無本來東都旋往京居青龍寺時禁僧午後不
得出爲詩自傷元和中元白變尙輕淺島獨按格入
僻以矯浮豔當冥搜之際前有王公貴人罔不覺游

心萬仞慮入無窮自稱碣石山人嘗歎曰知余素心
者惟終南紫閣白閣諸峯隱者耳嵩邱有草廬欲歸
未得逗留長安雖行坐寢食苦吟不輟嘗跨蹇驢張
蓋橫截天衢時秋風正厲黃葉可掃遂吟曰落葉滿
長安方思屬聯杳不可得忽以秋風吹渭水爲對喜
不自勝因唐突大京兆劉栖楚被繫一夕旦釋之後
復乘閒策蹇訪李餘幽居得句云鳥宿池邊樹僧推
月下門又欲作僧敲煉之未定吟哦引手作推敲之
勢傍觀亦訝時韓退之尹京兆車騎方出不覺衝至
第三節左右擁到馬前島其實對未定推敲神遊象

唐之二傳
外不知迴避韓駐久之曰敲字佳遂並轡歸共論詩道結爲布衣交遂授以文法去浮屠舉進士愈贈詩云孟郊死葬北邙山日月風雲頓覺閒天恐文章渾斷絕再生賈島在人間自此名著時新及第寓居法乾無可精舍姚合王建張籍雍陶皆琴樽之好一日宣宗微行至寺聞鐘樓上有吟聲遂登於島案上取卷覽之島不識因作色攘臂睨而奪取之曰郎君鮮醜自足何會此耶帝下樓去旣而覺之大恐伏闕待罪上訝之他日有中旨令與一清官謫去者乃投遂州長江主簿後調遷普州司倉臨死之日家無一錢

惟病驢古琴而已當時誰不愛其才而惜其命薄島貌清意雅談玄抱佛所交悉塵外之人况味蕭條生計沮晤自題曰二句三年得一吟雙淚流知音如不賞歸卧故山秋每至除夕必取一歲所作置几上焚香再拜酬酒祝曰此吾終年苦心也痛飲長謠而罷今集十卷并詩格一卷傳于世

莊南傑

南傑與賈島同時曾從受學工樂府雜歌詩體似長吉氣雖壯適語過鑄鑿蓋其天資本劣未免按抑不出自然亦一好奇尙僻之士耳集二卷今行於世

張碧

碧字大碧貞元間舉進士累不第便覺三山跬步雲漢咫尺初慕李翰林之高躡一杯一詠必見清風故其名字皆亦逼似如司馬長卿希蘭相如爲人也天才卓絕氣韻不凡委興山水投閒吟酌言多野意俱狀難摹之景焉有歌行集二卷傳世子瀛

朱放

放字長通南陽人也初居臨漢水遭歲饑南來卜隱剡溪鏡湖間屏青紫之念結廬雲卧釣水樵山嘗著白綈羅鹿裘筍屨盤桓酒家時江浙名士如林風流

儒雅俱從高義如皇甫兄弟皎徹上人皆山人良友也大曆中嗣曹王臯鎮江西辟爲節度叅謀有別同志曰潺湲寒溪上自此成離別迴首望歸人移舟逢暮雪頻行識草樹漸老傷年髮唯有白雲心爲向東山月未幾不樂鞅掌扁舟告還貞元二年詔舉韜晦奇才詔下聘禮拜左拾遺不就表謝之忘懷得失以此自終放工詩風度清越神情蕭散非尋常之比集二卷今行于世

羊士諤

士諤貞元元年禮部侍郎鮑防下進士順宗時累至

唐才子傳 卷五
宣歙巡官王叔文所惡貶汀州寧化尉元和初宰相
李吉甫知獎擢爲監察御史掌制誥後以與竇羣呂
溫等誣論宰執出爲資州刺史士諤工詩造妙梁選
作皆典重早歲嘗遊女兒山有卜築之志勲名相迫
不遂初心有詩集行于世

姚係

係河中人貞元元年進士與韋應物同時有詩名工
古調善彈琴好遊名山希蹤謝郭終身不言祿祿亦
不及之也廼林棲谷隱之士往還酬酢興趣超然弟
倫詩亦清麗有集並傳

魏信陵

信陵貞元元年鄭全濟榜及第仕爲舒州望江縣令
卒工詩有集一卷今傳

張登

登初隱居性剛潔幅巾短褐交友名公後就辟歷衛
府叅謀遷延尉平久之拜監御史貞元中改河南士
曹掾遷殿中侍御史潭州刺史退居告老嘗晚春乘
輕車出南薰門抵暮指宜春門入關吏捧牌請書官
位登醉題曰閒遊靈沼送春回關吏何須苦見猜八
十老翁無品秩三曾身到鳳池來其狷迫如此數年

坐公累被劾吏議拮據不堪感疾而卒有集六卷權
德輿爲序云

令狐楚

楚字殼士燉煌人也五歲能文章貞元七年尹樞榜
進士及第時李說嚴綬鄭儋繼領大原高其才行引
在幕府由掌書記至判官德宗喜文每省大原奏疏
必能辨楚所爲數稱美之憲宗時累擢知制誥皇甫
鎛薦爲翰林學士遷中書舍人拜中書侍郎同平章
事楚工詩當時與白居易元稹劉禹錫唱和甚多有
漆園集一百三十卷行于世自稱曰白雲孺子

楊巨源

巨源字景山蒲中人貞元五年劉大真下第二人及
第初爲張弘靖從事拜虞部員外郎後遷太常博士
國子祭酒大和中爲河中少尹入拜禮部郎中巨源
才雄學富用意聲律細挹得含蓄之旨緩吟有雋永
之味長篇刻琢絕句清冷蓋優於此而疎於彼者矣
有詩一卷行于世

馬逢

逢關中人貞元五年盧瑱榜進士佐鎮戎幕府嘗從
運出塞得詩名篇篇警策有集今傳

王涯

涯字廣津貞元八年賈稜榜及第博學工文尤多雅思梁肅異其才薦於陸贄又舉宏辭憲宗時知制誥翰林學士俄拜中書侍郎平章事長慶中節度劍南名爲御史大夫遷戶部尙書監鹽鐵使進僕射涯權鹽苛急百姓怨之及甘露禍起就誅悉詬罵投以瓦礫須臾成堆性嗇不蓄妓妾家財累鉅萬嘗布衣蔬食酷好前古名書名畫充積左右有不可得必百計傾陷以取之及家破往來人得卷軸皆剔取奩盒金玉牙錦餘棄道途車馬踐踏悉損污矣惜哉善爲詩

風韻迢然殊超意表集十卷今傳○否泰遞復盈虛消息迺理之常夫物盛者衰之漸也散者積之極也有能終滿而不覆者乎况圖書入變化之際神物所深忌者焉前修耽玩成癖往往殺身猶非剽剽而至也王涯培克聚斂以邀穹爵逼孤凌弱以積珍奇知已之利忘人之害至於天奪其魄鬼瞰其家一旦飄零殊可長歎孟子曰盆成括死矣所謂貨悖而入者亦悖而出不亦宜哉庶來者之少戒云合言善類也

韓愈

愈字退之南陽人早孤依嫂讀書日記數千言通百

家貞元八年擢第凡三詣光範上書始得調董晉表
署宣武節度推官汴軍亂去依張建封辟府推官遷
監察御史上疏論宮市德宗怒貶陽山令有善政改
江陵法曹參軍元和中爲國子博士河南令愈才高
難容累下遷乃作進學解以自諭執政奇其才轉考
功知制誥進中書舍人裴度宣尉淮西奏爲行軍司
馬賊平遷刑部侍郎憲宗遣使迎佛骨入禁中因上
表極諫帝大怒欲殺裴度崔羣力救乃貶潮州刺史
任後上表陳情哀切詔量移袁州刺史召拜國子祭
酒轉兵部侍郎京兆尹兼御史大夫長慶四年卒○

公英偉間生才名冠世繼道德之統明列聖之心獨
濟狂瀾詞彩燦爛齊梁綺豔毫髮都捐有冠冕珮玉
之氣宮商金石之音爲一代文宗使頽綱復振豈易
言也哉固無辭足以贊述云至若歌詩累百篇而驅
駕氣勢若掀雷走電撐決於天地之垠詞鋒學浪先
有定價也時功曹張署亦工詩與公同爲御史又同
遷謫唱答見於集中有詩賦雜文等四十卷行于世

柳宗元

宗元字子厚河東人貞元九年苑論榜第進士又試
博學宏詞授校書郎調藍田縣尉累遷監察御史襄

唐才子傳
行與王叔文章執誼善二人引之謀事擢禮部員外
郎欲大用值叔文敗貶邵州刺史半道有詔貶永州
司馬遍貽朝士書言情衆忌其才無爲用心者元和
十年徙柳州刺史時劉禹錫同謫得播州宗元以播
非人所居且禹錫母老具奏以柳州讓禹錫而自往
播會大臣亦有爲請者遂改連州宗元在柳多惠政
及卒百姓追慕立祠享祀血食至今公天才絕倫文
章卓偉一時行輩咸推仰之工詩語意深切發纖穠
於簡古寄至味於淡泊非餘子所及也司空圖論之
曰梅止於酸鹽止於鹹飲食不可無而其美常在酸

鹹之外可以一唱而三歎也子厚詩在陶淵明下韋
應物上退之豪放奇險則過之而溫厲靖深不及也
今詩賦雜文等三十卷傳于世

陳羽

羽江東人貞元八年禮部侍郎陸贄下第二人登科
與韓愈王涯等共爲龍虎榜後仕歷東宮衛佐羽工
吟與靈一上人交遊唱答寫難狀之景了了目前含
不盡之意悠悠言外如自遣詩云稚子新能編筍笠
山妻舊斛補荷衣秋山隔岸清猿叫湖水當門白鳥
飛此景何處無之前後誰能道者二十八字一片畫

唐才子傳 卷五
圖非造次之謂也警句甚多有集傳于世

劉禹錫

禹錫字夢得中山人貞元九年進士又中博學宏詞科工文章時王叔文得幸禹錫與之交嘗稱其有宰相器朝廷大議多引禹錫及柳宗元與議禁中判度支鹽鐵案憑藉其勢多中傷人御史竇羣劾云挾邪亂政卽日罷憲宗立叔文敗斥朗州司馬州接夜郎俗信巫鬼每祀歌竹枝鼓吹俄頃其聲傖俚禹錫謂屈原居沅湘間作九歌使楚人以迎送神乃倚聲作竹枝辭十篇武陵人悉歌之始坐叔文貶者雖赦不

原宰相憐其才且困將澡用之乃悉詔補遠州刺史諫官奏罷之時久落魄鬱鬱不自抑其吐辭多諷託遠意感權臣而憾不釋久之召還欲任南省郎而作立都觀看花君子詩語譏忿當路不喜又謫守播州中丞裴度言播猿狖所宅且其母年八十餘與子死決恐傷陛下孝治請稍內遷乃易連州又徙夔州後由和州刺史入爲主客郎中至京後遊立都詠詩且言始謫十年還輦下道士種桃其盛若霞又十四年而來無復一存唯兔葵燕麥動搖春風耳權近聞者益薄其行裴度薦爲翰林學士俄分司東都遷太子

賓客會昌時加檢校禮部尚書卒公恃才而放心不能平行年益復偃蹇寡合乃以文章自適善詩精絕與白居易酬唱頗多嘗推爲詩豪曰劉君詩在處有神物護持有集四十卷今傳

孟郊

郊字東野洛陽人初隱嵩山稱處士性介不諧合韓愈一見爲忘形交與唱和於詩酒間貞元十二年李程榜進士時年五十矣調漂陽縣尉有投金瀨平陵城林薄蕭蕭下有積水郊間往坐水傍命酒揮琴徘徊賦詩終日而曹務多廢縣令白府以假尉代之分

其半俸辭官家居李翱分司洛中日與談讌薦於興元節度使鄭餘慶遂奏爲參謀試大理評事卒餘慶給錢數萬營葬仍贍其妻子者累年張籍謚爲貞曜先生門人遠赴心喪郊拙於生事一貧徹骨裘褐懸結未嘗俛首爲可憐之色然好義者更遺之工詩大有理致韓吏部極稱之多傷不遇年邁家空思苦奇澁讀之每令人不懽如借車載家具家具少於車如謝炭云吹霞弄日光不定煖得曲身成直身如愁人獨有夜燭見一紙鄉書淚滴穿如下第云棄置復棄置情如刀劍傷之類皆哀怨清切窮入冥搜其初登

唐二子傳 十一
第吟曰昔日齷齪不足嗟今朝曠蕩恩無涯春風得意馬蹄疾一日看盡長安花當時議者亦見其氣度窘促卒漂淪薄宦詩識信有之矣天實爲之謂之何哉李觀論其詩曰高處在古無平直之處顧二謝云時陸長源工詩相與來往篇什稍多亦佳作也有咸池集十卷行于世

戴叔倫

叔倫字幼公潤州金壇人師事蕭穎士爲門生賦性溫雅善舉止能清談無賢不肖相接盡心工詩貞元十六年陳權榜進士嘗在租庸幕下數年夕惕匪怠

吏部尙書劉公與祠部員外郎張繼書博訪選材日揖賓客叔倫投刺一見稱心遂就薦累遷撫州刺史政議龔黃民樂其治園扉寂然鞠爲茂草詔書褒美封譙郡男加金紫後遷容管經略使威名益振治亦清明仁恕多方所至稱最德宗賦中和節詩遣使者寵賜世以爲榮還上表請爲道士未幾卒叔倫初以淮汴寇亂魚肉江上携親族避地來鄱陽肄業勤苦志樂清虛閉門卻掃與處士張衆甫朱放素厚范張之期曾不虛月詩興悠遠每作驚人有述稿十卷今傳于世

張仲素

仲素字繪之貞元十四年李隨榜進士與李翱呂溫同年以中朝無援不調潛耀久之復中博學宏詞始任武康軍從事貞元二十年遷司勳員外郎除翰林學士時憲宗求盧綸詩文遺草勅仲素編集進之後拜中書舍人仲素能屬文法度嚴確魏文帝有云文以意爲主以氣爲輔以詞爲衛此言得之矣其每詞未達而意先備也善詩多警句尤精樂府往往和在宮商古人有未能慮者集一卷及賦樞三卷今傳

呂溫

溫字和叔河中人初從陸贄治春秋梁肅爲文章貞元十四年李隨榜及第中宏辭與王叔文厚善驟遷左拾遺除侍御史使吐蕃留不得遣彌年溫在絕域常自悲惋元和元年還進戶部員外郎與竇羣羊士諤相愛羣爲中丞薦溫爲御史宰相李吉甫持久不報會吉甫病夜召術士羣等因奏之事見羣傳上怒貶筠州再貶道州刺史詔徙衡州卒官所溫藻翰精贍一時流輩咸推尙惟險躁譎怪而好利今有集十卷行于世

張籍

籍字文昌和州烏江人也貞元十五年封孟紳榜及第授秘書郎歷太祝除水部員外郎初至長安謁韓愈一會如平生歡才名相許論心結契愈力薦爲國子博士然性狷直多所責諷於愈愈亦不忌之時朝野名士皆與遊如王建賈島于鵠孟郊諸公集中多所贈答情愛深厚皆別家千里遊宦四方瘦馬羸童青衫烏帽故每邂逅於風塵必多慙懃之思銜孟命素又况於同志者乎聲調相况况味頗同公於樂府古風與王司馬自成機軸絕世獨立自李杜之後風雅道喪至元和中暨元白歌詩爲海內宗匠謂之元和體病格稍振無愧洪河砥柱也樂天贈詩曰張公何爲者業文三十春尤工樂府詞舉代少其倫仕終國子司業有集七卷傳于世

雍裕之

裕之蜀人有詩名貞元後數舉進士不第飄零四方爲樂府極有情致集一卷今傳

權德輿

德輿字載之秦州人未冠以文章稱諸儒間韓洄黜陟河南辟置幕府復從江西觀察使李兼府爲判官德宗聞其材召爲太常博士改左補闕中間累上書

直言遷起居舍人貞元十五年知制誥進中書舍人
憲宗初歷兵部侍郎太子賓客以陳說謀略多中元
和五年自太常卿拜禮部尙書同中書門下平章事
德輿善辯論開陳古今覺悟人主爲輔相尙寬不甚
察察封扶風郡公德輿能賦詩工古調樂府極多情
致積思經術無不貫綜手不釋卷雖動止無外飾其
醞藉風流自然可慕貞元元和間爲薦紳羽儀有文
集今傳楊嗣復爲序

長孫佐輔

佐輔朔方人舉進士下第放懷不羈弟公輔貞元間
爲吉州刺史遂往依焉後不願宦隱居以求志然風
流醞藉一代名儒詩格詞情繁縟不雜卓然有英邁
之氣每見其擬古樂府數篇極怨慕傷感之心如水
中月如鏡中相言可盡而理無窮也集今傳

楊衡

衡字中師雪人天寶間避地西來與符載李羣李渤
同隱廬山結草堂於五老峯下號山中四友日以琴
酒寓意雲月遣懷衡詩工苦於聲韻奇拔非常格敢
窺其涯涘嘗吟罷自賞其作抵掌大笑長謠曰一一
鶴聲飛上天謂其響徹如此人亦歎伏試大理評事

往來多山僧道士爲方外之期詩一卷今傳于世

唐才子傳卷第五

唐才子傳卷第六目錄

白居易	元稹	李紳 <small>郁暉</small>	鮑溶
張又新	殷堯藩	清塞	無可
熊孺登	李約	沈亞之	徐凝
裴夷直	薛濤	姚合	李廓
章孝標	施肩吾	袁不約	韓湘
韓琮	韋楚老	張祐 <small>崔涯</small>	劉得仁
朱慶餘	杜牧 <small>嚴暉</small>		

唐才子傳卷第六
西域 辛 文房 撰
白居易
居易字樂天大原下邳人弱冠名未振觀光上國謁
顧況况吳人恃才少所推可因諱之曰長安百物皆
貴居大不易及覽詩卷至離離原上草一歲一枯榮
焚火燒不盡春風吹又生乃歎曰有句如此居天下
亦不難老夫前言戲之爾貞元十六年中書舍人高
郢下進士拔萃皆中補校書郎元和元年作樂府及
詩百餘篇規諷時事流聞禁中上悅之召拜翰林學

唐才子傳卷第六

白居易

居易字樂天大原下邳人弱冠名未振觀光上國謁
顧況况吳人恃才少所推可因諱之曰長安百物皆
貴居大不易及覽詩卷至離離原上草一歲一枯榮
焚火燒不盡春風吹又生乃歎曰有句如此居天下
亦不難老夫前言戲之爾貞元十六年中書舍人高
郢下進士拔萃皆中補校書郎元和元年作樂府及
詩百餘篇規諷時事流聞禁中上悅之召拜翰林學

唐二傳
士慙左拾遺時盜殺宰相京師洶洶居易首上疏請
亟捕賊權臣有嫌其出位怒俄有言居易母墮井死
而賦新井篇言旣浮華行不可用貶江州司馬初以
勲庸暴露不宜實無他腸怫怒姦黨遂矢志亦能順
所遇託浮屠死生說忘形骸者久之轉中書舍人知
制誥河朔亂兵出無功又言事不見聽乞外除爲杭
州刺史文宗立召遷刑部侍郎會昌初致仕卒居易
累以忠鯁遭擯乃放縱詩酒旣復用又皆幼君仕情
頓爾索寞卜居履道里與香山僧如滿等結淨社疏
沼種樹構石樓鑿八節灘爲游賞之樂茶鐺酒杓不
相離嘗科頭箕居談禪詠古晏如也自號醉吟先生
作傳酷好佛亦經月不葷稱香山居士與胡果吉叟
鄭攄劉眞盧貞張渾如滿李文爽燕集皆高年不仕
日相招致時人慕之繪九老圖公詩以六義爲主不
尙艱難每成篇必令其家老嫗讀之問解則錄後人
評白詩如山東父老課農桑言言皆實者也雞林國
行賈售於其國相卒篇百金僞者卽能辨之與元稹
極善膠漆音韻亦同天下曰元白元卒與劉賓客齊
名曰劉白元公好神仙自製飛雲履焚香振足如撥
煙霧冉冉生雲初來九江居廬阜峯下作草堂燒丹

今尚存有白氏長慶集七十五卷及所撰古今事實
爲六帖及述作詩格法欲自除其病名白氏金針集
三卷並行于世

元稹

稹字微之河南人九歲工屬文十五擢明經書判入
等補校書郎元和初對策第一拜左拾遺數上書言
利害當路惡之出爲河南尉後拜監察御史按獄東
川還次敷水驛中人仇士良夜至稹不讓邸仇怒擊
稹敗面宰相以稹年少輕威失憲臣體貶江陵士曹
叅軍李絳等論其枉元和末召拜膳部員外郎稹詩

變體徃徃宮中樂色皆誦之呼爲才子然綴屬雖廣
樂府專其警策也初在江陵與監軍崔潭峻善長慶
中崔進其歌詩數千百篇帝大悅問今安在曰爲南
宮散郎擢祠部郎中知制誥俄遷中書舍人翰林承
旨後拜同中書門下平章事初以瑕釁舉動浮薄朝
埜雜笑未幾罷然素無檢望輕不爲公議所佑除武
昌節度使卒在越時辟竇鞏鞏工詩日酬和故鏡湖
秦望之竒益傳時號蘭亭絕唱微之與白樂天最密
雖骨肉未至愛慕之誠足踰金石千里神交若合符
契唱和之多無如二公者有元氏長慶集一百卷及

唐才子傳 卷六
小集十卷今傳○夫松柏飽風霜而後勝梁棟之任
人必勞餓空乏而後無充詘之態譽早必氣銳氣銳
則志驕志驕則歛怨先達者未足喜晚成者或可賀
况慶弔相望於門閭可不慎哉人評元詩如李龜年
說天寶遺事貌悴而神不傷况尤物移人侈俗遷性
足見其舉止浮薄神色驕矜不容勝已至登庸成忝
貽笑於多士其來尙矣不謹細行終累大德豈不聞
言行君子之樞機榮辱之主邪古人不耻能治而無
位耻有位而不能治也

李紳

紳字公垂亳州人元和元年武翊黃榜進士與皇甫
湜同年補國子助教穆宗召爲翰林學士累遷中書
舍人武宗卽位拜中書侍郎平章事紳爲人短小精
敏於詩時人號爲短李與李德裕元稹同時稱三俊
集名追昔遊多紀行之作又批答一卷亦傳初爲壽
州刺史有秀才郁渾年甫弱冠應百篇科紳命題試
之未昏而就警句佳意甚多亦有集今傳樂游河瀉
鮑溶
溶字德源元和四年韋瓘榜進士第與楊汝士一時
李端公益自少同袍爲忘形交初隱江南深山中其

家貧苦氣節自如羈旅四方間設有所作皆是絕唱
過隴頭古天山大阪泉水嗚咽分流四下賦詩曰隴
頭水千古不堪聞生歸蘇屬國死別李將軍細響風
凋草清哀鴈人雲其警絕大概如此古詩樂府可稱
獨步蓋其魄力宏壯才瞻學博古格近體獨擅衆長
惜飄蓬薄宦客死三川有集五卷今傳

張又新

又新字孔昭深州人也初應宏辭第一又爲京兆解
頭元和九年禮部侍郎韋貫之下狀元及第時號爲
張三頭應辟爲廣陵從事歷補闕爲力傾邪諂事宰

相李逢吉隆重其人名在八關十六子之目逢吉領
山南節度表爲司馬坐由伍事貶官李訓專政又新
復見用後竟坐事謫遠州刺史仕終左司郎中善爲
詩恃才涉傲未免有矯激之言見於篇什嘗曰我少
年擅美名意不欲仕惟得美妻平生足矣娶楊虔州
女有德無色殊怏怏後過淮南李紳筵上得一歌姬
與之偕老喜嗜茶恨在陸羽後著煎茶記一卷及詩
文等行于世

堯藩

堯藩秀州人稟性簡靜眉目如畫工詩文耽邱壑之

趣嘗曰吾一日不見山水與俗人談便覺胸次塵土
堆積急將醅醪澆之聊可解穢元和九年韋貫之放
榜堯藩落第楊尙書大爲稱屈未幾擢進士第數年
爲永樂縣令一介之官彈琴不下堂而人不忍欺雍
陶寄詩曰古縣蕭條秋景晚昔時陶令亦如君頭巾
漉酒臨黃菊手板支頤向白雲百里豈能容驥足九
霄終自別雞羣相思不恨書來少佳句多從闕下聞
及與沈亞之馬戴爲詩友贈答甚多後仕終侍御史
堯藩初遊韋應物門牆兩相契合至長沙於尙書李
翱席上有舞拓枝者容語悽惻因感而賦詩以贈曰
姑蘇太守青娥女流落長沙舞拓枝滿座繡衣皆不
識可憐紅粉淚雙垂衆客驚問之果韋公愛姬所生
女也相與吁歎翱卽命削丹書於賓館中擢士嫁之
今有集一卷傳世皆鏗鏘蘊藉之作也

清塞

清塞字南鄉居廬嶽爲浮屠客南徐最久後來少室
終南間俗姓周名賀工爲近體詩格調清雅與賈島
無可齊名寶曆中姚合守錢塘因攜書投刺以丐品
第合延待甚優見其哭僧詩云凍鬚亡夜剃遺偈病
中書大愛之因贈以冠巾使復姓字時屆夏臘欲遂

唐二子傳 六
初心竟往依名山諸尊宿自終詩一卷今傳

無可

無可長安人高僧也工詩喜爲五言初賈島棄俗時同居青龍寺呼島爲從兄與馬戴姚合厲玄唱酬甚多律調謹嚴意思清越超以象外得其環中有如聽雨寒更盡開門落葉深又如微陽下喬木遠燒入龜山如此新奇當時翕然稱妙以其情景兼到也集一卷今傳

熊孺登

孺登鍾陵人有詩名元和中爲西川從事與白舍人

劉賓客善贈答頗多凡屬下筆無不言語妙天下如江流如箭月如弓行盡三湘數夜中無奈子規知向蜀一聲聲似怨春風又經古墓云碑折松枯山火燒夜臺曾閉不曾朝那將逝者比流水流水東流逢上潮其詩類此極多有集今傳

李約

約字存博汧公李勉之子也元和中仕爲兵部員外郎與主客員外張諗極契合每聯牀共話達旦不寐好賦詩嘗贈韋況曰我有心中事不向韋郎說秋夜洛陽城明月照張八約博學好古性情清潔不近粉

徐凝

凝睦州人元和間有詩名方千師事之與施肩吾同里開日親聲調無進取之意交友激勉之始遊長安不忍自衒鬻竟不成名將歸以詩辭韓吏部云一生所遇惟元白天下無人重布衣欲別朱門淚先盡白頭遊子白身歸知者憐之遂歸以隱潛心詩酒人間榮耀竟不復掛諸齒頰中也老病且貧處之坦然優悠以終有集一卷今傳○余昔經桐廬古邑山水蒼茫巖先生釣石居然無恙惟物在人遙未免生感想古來之高人隱士其風標氣概足令俗士鄙人汗顏愧色又見古時碑碣述其平生事迹攬轡彷徨不忍遽去勝地以一人而傳先賢爲來者所重人亦何必沈溺於名利而不悟也

裴夷直

夷直字禮卿吳人元和十年禮部侍郎崔羣下進士仕爲中書舍人武宗立以罪貶驩州司戶宣宗時爲江華二州刺史終尙書左司員外郎散騎常侍工詩有盛名集一卷今傳于世

薛濤

濤字洪度成都樂妓也性聰慧精翰墨居浣花里種

唐才子傳 卷六
九
菖蒲滿門傍東北卽上長安道也往來留連者不少
元和中元微之使蜀密以求訪府公嚴司空知之遣
濤往侍微之登翰林以詩寄之曰錦江滑膩峨眉秀
幻出文君與薛濤言語巧偷鸚鵡舌文章分得鳳凰
毛紛紛詞客皆停筆箇箇公侯欲夢刀別後相思隔
煙水菖蒲花發五雲高及武元衡入相奏授校書郎
蜀人呼妓爲校書自濤始也後胡曾贈詩曰萬里橋
邊女校書枇杷樹下閉門居掃眉才子知多少管領
春風總不如濤工爲小詩嫌箋幅寬大遂創製狹小
者以自便名曰薛濤箋濤凡事隨機應變談笑風生

高駢鎮蜀門日命之佐酒改一字愜音今且得形象
曰口似沒梁斗答曰川似三條椽公曰奈一條曲何
曰相公爲西川節度尙用一破斗況窮酒佐雜一曲
椽何足怪哉其敏捷類如此其所作詩詞皆邀時彥
歎賞意匠經營一筆不苟情詞所至雖翰苑名流輒
爲奪席殊不意裙裾之下出此異物豈得輕其人而
棄其才哉太和中卒有錦江集五卷多名公贈答云

姚合

合陝州人宰相崇之曾孫也以詩聞元和十一年李
逢吉知貢舉有夙好因拔泥塗得解榜及第歷武功

唐才子傳 卷六
十一
主簿富平萬年尉寶應中除監察御史遷戶部員外
郎出爲金杭二州刺史後召入拜刑戶二部郎中諫
議大夫給事中開成間李商隱尉弘農以活囚忤觀
察使孫簡將罷去會合來代簡一見大喜以風雅之
契卽諭使還官人雅服其義後仕終秘書監與賈島
同時號姚賈其爲歌詩島則矜鍊有清冽風合則渾
成皆平澹氣興趣俱到格調少殊所謂方拙之奧至
巧存焉蓋多歷下邑官况蕭條山縣荒涼風景凋弊
之間最工摹寫耳性嗜酒愛花翛然自放人事生理
略不介意有達人之大觀所爲詩十卷及選集王維
祖詠等一十八人詩爲極元集一卷序稱維等皆詩
家射鵬手也又據古人詩聯敘其指意各有體要撰
詩例一卷今並傳焉

李廓

廓宰相程之子也少有志勲業攬轡慨然而不屑苟
就遂困場屋中作下第詩曰榜前潛制淚衆裏獨嫌
身氣味如中酒情懷似別人時流皆稱賞且憐之因
共推挽元和十三年獨孤樟榜進士調司經局正字
出爲鄆縣令累歷顯宦仕終武寧節度使政有奇績
與賈島相友善故工詩極綺緻集今傳世

唐文三傳 十一
章孝標

孝標字道正錢塘人李紳鎮淮東孝標參座席有詩
名時春雪紳命札請賦孝標索筆一揮云六出花飛
處處飄黏窗拂砌上寒條朱門到晚難盈尺盡是三
軍喜氣消李大稱賞薦於主文元和十四年禮部侍
郎廋承主試進士及第授校書郎於長安將歸嘉慶
先寄友詩曰及第全憑十政官金湯渡了出長安馬
頭漸入揚州郭爲報時人洗眼看紳適見寄以一絕
箴之曰假金方用真金鍍若是真金不鍍金十載長
安方一第何須空腹用高心孝標慚謝所惜氣宇窘
急終不大用太和中嘗爲山南道從事試大理評事
仕終秘書正字有集一卷傳世

施肩吾

肩吾字希聖睦州人元和十五年盧儲榜進士第謝
禮部陳侍郎詩云九重城裏無親識八百人中獨姓
施不待除授卽東歸張籍羣公吟餞皆知其有仙風
道骨寧戀人間升斗耶少存箕頰之情故拍浮詩酒
拳擊煙霞初讀書五行俱下至是授真筌於仙長遂
知道順顛倒之法與上中下精氣神三關返元之義
以洪州西山十二真君羽化之地慕其真風高蹈於

唐文苑英華卷之三百一十五
此題詩曰重重道氣結成神玉闕金堂逐日新若數
西山得道者兼余卽是十三人前嘗賦閑居遣興詩
一百韻頗述初心盛行于世著辨疑論一卷西山傳
道會真等記各一卷述氣住則神住神住則形住爲
三住銘一卷及所爲詩十卷自爲之序今傳
袁不約
不約字還朴長慶三年鄭冠榜進士太和中以平判
入等調官有詩集傳於世

韓湘

湘字清夫愈之姪孫也長慶三年禮部侍郎王起下
進士落魄不羈見趣苦吟務高遠公勉以經學曰湘
所學公不知耶因賦詩以述志云青山雲水窟此地
是吾家後夜流璫液凌晨咀絳霞琴彈碧玉調爐煉
白朱沙寶鼎存金虎元田養白鴉一瓢藏世界三尺
斬妖邪解造逡巡酒能開頃刻花有人能學我同去
看仙葩公笑曰子能奪造化乎湘曰此事甚易公爲
開樽湘聚土噴水以盆覆之頃刻開碧花二朶花片
上有詩一聯云雲橫秦嶺家何在雪擁藍關馬不前
公甚怪異未喻其意曰他日驗之遂遠去未幾公以
諫佛骨事謫潮州刺史一日途中見有人冒風雪從

唐才子傳 卷六
林嶺問來視之湘也再拜馬前曰公憶花上之句乎
因詢其地卽藍關嗟嘆久之解鞍命酌因足成前詩
曰一封朝奏九重天夕貶潮陽路八千本爲聖朝除
弊政豈期衰朽樂殘年雲橫秦嶺家何在雪擁藍關
馬不前知汝遠來應有意好收吾骨瘴江邊又贈詩
曰人才爲世古來多如子雄文孰可過好待功名成
就日卻抽身去上煙蘿湘笑而不答獻詩別公曰舉
世都爲名利醉惟吾來向道中醒他時定是飛昇去
衝破秋空一點青遂別竟不知所終

韓琮

琮字成封長慶四年李羣榜進士及第大中中仕至
湖南觀察使有詩名多清新之製錦不如也滄水送
別云綠暗紅稀出鳳城暮雲樓閣古今情行人莫聽
宮前水流盡年光是此聲駱口晚望云秦川如畫渭
如絲去國還家一望時公子王孫莫來好嶺花多是
斷腸枝如此等句膾炙人口餘極多皆稱是有集一
卷傳於世

韋楚老

楚老長慶四年中書舍人李宗閔下進士仕終國子
祭酒工詩氣旣沈雄語亦豪健所作古樂府居多祖

唐才子傳 卷六
龍行曰黑雲兵氣射天裂壯士朝眠夢冤結祖龍一
夜死沙邱胡亥空隨鮑魚轍腐肉偷生二千里僞書
先賜扶蘇死墓接驪山土未乾瑞光已向芒碭起陳
勝城中鼓三下秦家天地如崩瓦龍蛇撩亂入咸陽
少帝空隨漢家馬傑製頗多俱當刮目今並傳

張祐

祐字承吉南陽人來寓姑蘇樂高尙稱處士騷情雅
思凡知己者悉當時英傑然不業程文元和長慶間
深爲令狐文公器許公鎮天平白草表薦以詩三百
首獻于朝辭略曰凡製五言包含六義近多放誕靡

有宗師祐久在江湖早工篇什研幾甚苦搜象頗深
流輩所推風格罕及謹以繕錄詣光順門進獻望宣
付中書門下祐至京師屬元稹號有城府偃仰內庭
上因召問祐之詞藻上下稹曰張祐雕蟲小巧壯夫
不爲若獎激太過恐變陛下風教上領之由是寂寞
而歸爲詩自悼云賀知章口徒勞說孟浩然身更不
疑遂客淮南時杜牧爲度支使極相善待贈句云何
人得似張公子千首詩輕萬戶侯祐苦吟妻孥每喚
之皆不應曰吾方口吻生華豈憎汝輩乎性愛山水
多遊名寺如杭之靈隱天竺蘇之靈巖楞伽常之惠

唐才子傳
山善權潤之甘露招隱往往題詠唱絕同時崔涯亦
工詩與祐齊名頗自放行樂或乘輿北里每題詩青
樓譽之則聲價頓增毀之則車馬掃迹涯尚義有俠
詩云太行嶺上三尺雪崔涯袖中三尺鐵一朝若遇
有心人出門便與妻兒別嘗其謁淮南李相祐稱釣
鼈客李怪之曰釣鼈以何爲竿日以虹以何爲鉤曰
新月以何爲餌日以短李相也紳壯之厚贈而返晚
與白樂天日相聚譙謔樂天譏以足下新作憶柘枝
云鴛鴦鈿帶拋何處孔雀羅衫付阿誰乃一問頭耳
祐曰鄙薄之謂是也明公長恨歌曰上窮碧落下黃
泉兩處茫茫都不見又非日蓮尋母邪一座大笑初
過廣陵曰十里長街市井連月明橋上看神仙人生
只合揚州死禪智山光好墓田大中中果卒於丹陽
隱居人以爲讖云詩一卷今傳○衛蘧伯玉恥獨爲
君子令孤公其庶幾乎元稹則遠矣十譽不足一毀
有餘其事業淺深於此可以觀人也爾所不知人其
舍諸稹謂祐雕蟲瑣瑣而稹所爲有不若是耶忌賢
嫉能迎戶而噬略已而過人者穿窬之行也祐能以
處士自終其身聲華不借鐘鼎而高視當代至今稱
之不遇者天也不泯者亦天也豈若彼取容阿附貽

譏於適從何來者哉

劉得仁

得仁公主之子也長慶間以詩名五言清警獨步騷壇自開成後至大中三朝昆弟以貴戚皆擢顯仕得仁獨苦攻文嘗立志不獲科第必不願僭人之爵也困頓名場二十年竟無所成投跡幽隱未嘗耿耿有寄所知詩云外族帝王是中朝親故稀翻令浮議者不許九霄蜚憂而不困怨而不怒哀而不傷鏗鏘金玉難合同流而不厭於磨淬端能確守格律揣治聲歌甘心窮苦不汲汲於富貴王孫公子中千載求一

人不可得也及卒僧栖白弔之曰何苦爲詩身到此冰魂雪魄已難招直教桂子落墳上生得一枝冤始銷有詩一卷行於世

朱慶餘

慶餘字可久以字名閩中人寶曆二年裴球榜進士及第授秘書省校書得張水部詩旨氣平意絕社中哲匠也名稱當時有集一卷今傳

杜牧

牧字牧之京兆人也善屬文太和二年韋籌榜進士與厲元同年未第前來東都時主司侍郎崔郾太學

博士吳武陵策蹇進謁曰侍郎以峻德偉望爲明君
選才僕敢不薄施塵露向偶見文士十數輩揚眉抵
掌共讀一卷文詞覽之乃進士杜牧阿房宮賦其人
王佐才也因出卷搢笏朗誦之郾大加賞曰請公與
狀頭郾曰已得人矣曰不得卽請第五人更否則請
以賦見還辭容激厲郾曰諸生多言牧踈曠不拘細
行然敬依所教不敢易也後又舉賢良方正科人倫
師表爲江西團練府巡官又爲牛僧孺淮南節度府
掌書記拜侍御史累遷左補闕歷黃池睦三州刺史
以考功郎中知制誥遷中書舍人牧剛直有奇節不
爲齷齪小謹敢論列大事指陳利病動切機宜尤深
諳兵法盡心時事嘗以從兄悰更歷將相而已困躓
怏怏難平卒年五十臨死自寫墓誌焚去文稿過半
其詩情豪邁語率驚人時以擬杜甫呼大杜小杜以
別之後人評牧詩如銅丸走坂駿馬注坡謂圓快奮
急也牧美容姿好歌舞風情繾綣不能自遏時淮南
稱繁盛不減京華且多名姬牧恣心賞牛相收街吏
報杜書記平安貼子至盈篋牧御史分司洛陽時李
司徒閑居家妓爲當時第一宴朝士以牧風憲不敢
邀牧因遣使諷李召已旣至曰聞有紫雲者妙歌舞

孰是卽贈詩曰華堂今日綺筵開誰喚分司御史來
忽發狂言驚四座兩行紅袖一時回意氣閑逸傍若
無人座客莫不稱異太和末往湖州契合一女子方
十餘歲約以十年後吾來典郡當納之結以金幣泊
周墀入相上牋乞守湖州比至已十四年前女子從
人而抱雛矣賦詩曰自恨尋芳去較遲不須惆悵怨
芳時如今風擺花狼藉綠葉成陰子滿枝此其大槩
也凡一有所牽繫莫不情見于辭別業樊川有樊川
集二十卷及註孫子并傳同時有嚴憚字子重工詩
與牧友善以問春詩得名昔聞有集今無之矣

卷終

唐才子傳卷第七目錄

- | | | | |
|-----|---|--------------------|-----|
| 楊發 | 李遠 | 李敬方 | 許渾 |
| 雍陶 | 賈馳 | 伍喬 | 陳上美 |
| 李商隱 | 喻 <small>鼻</small>
<small>薛望</small> | 薛逢 | 趙嘏 |
| 薛能 | 李宣古 | <small>李宣遠</small> | 姚鵠 |
| 項斯 | 馬戴 | 孟遲 | 任蕃 |
| 顧非熊 | 曹鄴 | 鄭嵎 | 劉駕 |
| 方干 | 李頻 | 李羣玉 | |

唐才子傳 卷七
遠字求古太和五年杜陟榜進士及第蜀人也少有大志超邁流俗爲詩多逸氣五彩成文早歷下邑詞名卓然宣宗時宰相令狐綯進奏擬遠杭州刺史上曰朕聞遠詩有青山不厭千杯白長日惟銷一局棋其踈放如此豈可臨郡理人綯曰詩人托此以寫高興耳未必實然上曰且令往觀之至果有治聲性簡儉喜嗜鳧鴨貴客經過無他贈厚者綠頭一雙而已後歷忠建江三州刺史仕終御史中丞初牧湓城求天寶遺物得秦僧收楊妃襪一襖珍襲之偶示至好會李羣玉校書自湖湘來過九江遠厚遇之談笑永

日羣玉話及向賦黃陵廟詩忽動朝雲暮雨之情默然以對遠曰僕自獲凌波片玉窄軟輕香每一見之未嘗不神馳馬嵬下也遂更相戲笑賦詩事洩致被法家所議蓋情深難禁未免感動於微辭間也有詩集一卷今傳

李敬方

敬方字中虔長慶三年鄭冠榜進士太和中仕爲歙州刺史後坐事左遷台州刺史有詩一卷傳世

許渾

渾字仲晦潤州丹陽人圉師之後也太和六年李珣

榜進士爲當塗太平二縣令少苦學勞心有清羸之疾時常隱几伏枕久之起爲潤州司馬大中三年拜監察御史愆虞部員外郎睦郢二州刺史嘗分司朱方買田築室後抱病退居丁卯澗橋村舍暇日惟錄所作遂以成集渾耽於林泉亦慷慨悲歌之士登高懷古具見壯心其格調豪邁猶強弩初張牙淺弦急蓄勢以發也至今慕者極多往往謂是驪龍之照夜珠也早歲嘗遊天台仰看瀑布旁眺赤城辨方廣於非煙躡石橋於懸壁登陟兼程窮覽幽勝朗誦孫綽古賦毅然有追蹤前人之想以存不朽再三尋味徘徊不忍去以王事不果有負初心後晝夢登山有宮闕凌虛問曰此崑崙也少頃見有數人方飲招渾就坐暮而罷一佳人出箋求詩未成夢破後吟曰曉入瑤臺露氣清庭中惟見許飛璫凡心未斷塵緣在十里雲山空月明他日復夢至山中佳人曰子何題余姓名於人間遂改爲天風吹下步虛聲曰善矣渾才思翩翩仙子所愛夢寐求之一至于此昔子建賦洛神人以爲徒聞虛語亦以是謂誑誕不信未幾遂卒有詩二卷今傳

雍陶

陶字國鈞成都人工於詞賦少貧遭蜀中亂後播越
羈旅有詩云貧當多病日閒過少年時太和八年陳
寬榜進士及第一時名士咸偉其作然恃才傲睨薄
於親屬其舅雲安李欽之下第歸三峽有詩寄陶云
地近衡陽雖少鴈水連巴蜀豈無魚得詩頗愧赧遂
通問不絕大中六年授國子毛詩博士與賈島殷堯
藩無可徐凝章孝標友善以琴樽詩翰相娛留長安
中大中末出刺簡州才名益重自比謝宣城柳吳興
國初諸人書奴耳賓至必佯佯挫辱投贄者少得通
秀才馮道明時稱機捷因罷舉請謁給闈者曰與太
守有故陶倒屣迎見呵責曰與足下素昧平生何故
之有馮曰誦公詩文室邇人遠何隔平生吟陶詩數
聯如立當青草人先見行近白蓮魚未知又閑門客
到常如病滿院花開未是貧又江聲秋入峽兩色夜
侵樓等句陶多其慕已厚贈之其自負如此後爲雅
州刺史郭外有情盡橋乃分袂祖別之所陶送客而
怪之遂於上立候館改名折柳橋取古樂府折楊柳
之意題詩曰從來只有情難盡何事呼爲情盡橋自
此改名爲折柳任它離恨一條條甚膾炙當時後辭
榮閑居廬嶽養疴絕俗與塵事無關矣有唐志集五

卷今傳

賈馳

馳太和九年鄭確榜進士初負才學躡躑名場往來公卿間擔簦躡屩莫伸其志嘗入關賦詩云河上微風來關頭樹初溼今朝關城吏又見孤客入上國誰與期西來徒自急主司得聞有憐才之意遂放第不甚顯宦詩文俱得美聲後來文士集中多稱賈先輩其名譽爲時所重云有集傳世

伍喬

喬少隱居廬山讀書工爲詩與杜牧之同時擢第初

喬與張洎少友善洎時仕翰林學士寵眷優異喬時任歙州司馬自傷不遷作詩寄洎戒去僕曰俟張游宴卽投之洎得緘云不知何處好銷憂公退攜樽卽上樓職事久參侯伯幕夢魂長達帝王州黃山向晚盈軒翠黟水含春繞郡流遙想玉堂多暇日花時誰伴出城遊洎動容久之爲言於上召還爲考功員外郎卒於官今有詩二十餘篇傳于世

陳上美

上美開成元年禮部侍郎高鋹放榜第二人登科以詩鳴當時間作悉佳製論其骨格本峭但少氣耳有

集今傳○夫人矻矻窮年志在希賢希聖者欲此身不朽於天壤也或有其目爲大儒而盛名不永或有咸推爲博學而沒世無稱釣譽沽名初無實際也又或位高金多望隆價重生前赫赫死後悠悠反不若腐草之尙得爲螢枯楊之猶能生梯也傳中諸人不皆望族非盡貴官惟一詠一吟垂名千載且所傳未必盡楊雄班馬之才而世遠年湮竟家絃戶誦豈不是傳其所當傳而重其所當重耶烏可以詩爲小道而忽諸

李商隱

商隱字義山懷州人也令狐楚奇其才使遊門下授以文法遇之甚厚開成二年高鐠知貢舉楚與鐠善獎譽甚力遂擢進士又中拔萃楚又奏爲集賢校理楚出王茂元鎮興元素愛其才表掌書記以子妻之除侍御史茂元爲牛李黨士林嗤摘商隱以爲白圭有玷其疎遠之來京都久不調更依桂林總管鄭亞府爲判官後隨亞謫循州三年始回求援於宰相綯綯薄其無骨幹隨波逐靡從小人之辟遂謝絕之後於重陽日重又趨謁留題云十年泉下無消息九日樽前有所思又云郎君官重施行馬東閣無因許再

唐才子傳 卷七
六
窺絢見之惻然廼補大學博士柳仲郢節度中州辟
爲判官商隱廉介可畏出爲廣州都督人或袖金以
贈商隱曰吾自性分不可易非畏人知也未幾入拜
檢校吏部員外郎罷客滎陽卒商隱工詩高邁奇古
言深旨遠及從楚學則華實並茂青出於藍每喜用
典於寫景言情之外必旁徵遠引精切不移人人謂
其橫絕前後時温庭筠段成式各以濃豔相勝號三
十六體評之者謂此詩如百寶流蘇千絲鐵網綺麗
鮮妍未可與商隱同年而語也隱初得名薄遊長安
尚希知識因投宿逆旅有衆客方酣飲賦木蘭花詩
就呼與坐不知爲商隱也隱和一詩云洞庭波冷曉
侵雲日日征帆送遠人幾度木蘭船上望不知元是
此花身客問姓名大驚稱罪時白樂天致仕極喜商
隱文章謂曰我死後得爲爾兒足矣白死數年隱生
子遂以白老名之旣長殊鄙鈍温飛卿戲曰如爾爲
侍郎後身不亦忝乎隱又生子名衮師異常聰俊商
隱詩云衮師我嬌兒英秀乃無匹此或白之後身也
商隱自號玉溪子其文自成一格學者謂爲西昆體
也有樊南日集二十卷乙集二十卷玉溪生詩三卷
又賦一卷文一卷並傳于世

喻臆

臆毘陵人開成五年李從實榜進士仕爲烏程縣令有詩名晚唐風格旣變臆亦稍涉柔靡高古之氣無有所可法者陳言之務去耳後來才子皆稱喻先輩向慕之情足見也同時薛瑩亦工詩臆詩一卷瑩詩洞庭集一卷今並傳

薛逢

逢字陶臣蒲州人會昌元年崔峴榜第三人進士調萬年尉未幾佐河中幕府崔鉉入相引直弘文館歷侍御史尚書郎持論鯁切以謀畧高邁顯布衣中與

劉瑑交而瑑才出逢下故易瑑及瑑當國有薦逢知制誥者瑑猥言先朝以兩省官給事舍人治州縣乃得除逢未試州不可乃出爲巴州刺史初及第與楊收王鐸同年而逢文藝最優收輔政逢有詩云誰知金印朝天客同是沙堤避路人收銜之斥爲蓬綿二州刺史及鐸相逢又賦詩云昨日鴻毛萬鈞重今朝山岳一毫輕鐸怒中外鄙之逢褊傲遷秘書監卒逢晚年咀晤宦途嘗策羸赴朝值新進士榜下綴行而出儀從整肅見逢行李蕭條前導曰迴避新郎君逢蹶然因遣一介語之曰報道莫貧相阿婆三五少年

時也曾東塗西抹來其人辟易○逢天資本高學力
亦贍故不甚苦思而豪逸之態自見卒然成章未免
失諸淺露然亦當時所尚非離羣絕俗之謂夫道家
三寶其一不敢爲天下先前人者孰肯後之加人者
孰能受之觀逢恃才傲物恥儕凡輩而喋喋唇齒則
招人過而集衆怨也累擯遠方寸進尺退至龍鍾而
猶自憤不已蓋深可惜焉亦深可懼焉有詩集十卷
又別紙十三卷賦集十四卷今並行

趙嘏

嘏字承祐山陽人會昌二年鄭言榜進士大中中仕
爲渭南尉一時名士大夫極稱道之嘏以官卑不得
志宣宗雅知其名問宰相趙嘏詩人曾爲好官否可
取其詩進覽讀其卷首題秦詩云徒知六國隨斤斧
莫有羣儒定是非上不說事寢嘏嘗早秋賦詩曰殘
星數點鴈橫塞長笛一聲人倚樓杜牧之呼爲趙倚
樓賞歎之也又初有詩落句云早晚粗酬身事了水
邊歸去一閒人仕塗厄塞豈其讖歟嘏豪邁爽達交
接卿相出入館閣如親屬然能以書生令遠近契重
所謂一日名動京師三日傳滿天下者有自來矣飄
然仙尉追蹤梅市亦不惡耳先嘏家浙西有美姬甚

唐之二傳 九
愛之及北上留侍母中元遊鶴林寺浙帥窺見說之
奪歸明年嘏及第自傷賦詩曰寂寞堂前日又曛陽
臺去作不歸雲當時聞說沙吒利今日青娥屬使君
帥聞之殊慘然遣介送姬入長安時嘏方出關途次
橫水驛於馬上相遇姬因抱嘏痛哭信宿而卒遂葬
於橫水之陽嘏思慕不已臨終目有所見時方四十
餘今有渭南集及編年詩二卷悉取十三代史事迹
自始生至百歲歲賦一首二首總得一百一十章今
竝行於世

薛能

能字太拙汾州人會昌六年狄慎思榜登第大中末
書判入等中選補盩厔尉辟太原陝虢河陽從事李
福鎮滑臺表置觀察判官歷御史都官刑部員外郎
福徙帥西蜀奏以自副咸通中攝嘉州刺史造朝遷
主客度支刑部郎中俄爲同州刺史京兆大尹出帥
咸化入授工部尙書復節度徐州徙鎮忠武廣明元
年徐軍成激水經許能以軍多懷舊惠營館於許城
許軍懼見襲大將周岌乘衆疑怒因爲亂逐能據城
自稱留後數日殺能并屠其家能治政明察嚴絕請
謁耽於詩日賦一章爲課性喜凌人格律獨闢蹊徑

好高論嘗以第一流自居罕所當意時劉得仁擅雅稱持詩造能能以句謝云千首如一首卷初如卷終蓋譏其無變體也輕人如此故易取怨晚節尚浮屠奉法唯謹性益傲物卒致身罹奇禍惜哉開藩時每易武吏嘗命其子屬橐韉拜新進士或問其故曰渠消弭災咎耳今有集十卷及繁城集一卷傳焉

李宣古

宣古字垂後灃陽人會昌三年盧肇榜進士又選宏辭科工文極俊有詩名性譎浪多所譏誚時杜棕尙主出守灃陽宣古在館下數陪宴賞諧慢既深棕不

能忍忿其戲已辱之使卧於泥中衣冠顛倒長林公主素惜其才勸曰尙書獨不念諸郎學文待士如此那得平陽之譽乎遣人扶起更以新服設宴中堂使宣古賦詩曰紅燈初上月輪高照見堂前萬朶桃鬢栗調清銀字管琵琶聲亮紫檀槽能歌姹女顏如玉解飲蕭郎眼似刀爭奈夜深拋要令舞來按去使人勞杜公賞之敬禮如初奈數奇無印綬譽落寞自終後棕二子裔休儒休皆中第人曰非母賢待師不足成其子今諸集中往往載其作有英氣調頗清麗惜不多見弟宣遠亦以詩鳴今傳者可數也

姚鵠

鵠字居雲會昌三年禮部尙書王起下進士常出入當時名士公卿席幕雖吏才文價俱不甚超而才名流播亦自有不可沒者詩一卷今傳

項斯

斯字子遷江東人也會昌四年王起下第二人進士始命潤州丹徒縣尉卒於任所開成之際聲價藉甚特爲張水部所知賞故其詩格頗與水部相類清妙奇絕鄭少師薰贈詩云項斯逢水部誰道不關情斯性疎曠温飽非其本心初築草廬於朝陽峯前顧視

清高磅礴宇宙戴菊花冠披鶴氅衣就松陰枕白石飲清泉長哦細酌如此三十餘年晚汗一名殊屈清致其五言如病嘗山藥徧貧起草堂低又客來因月宿牀勢向山移下第云獨存過江馬強拂看花衣病僧云不言身後事猶坐病中禪又湖山萬疊翠門樹一行春又一燈愁裏夢九陌病中春七言如月明古寺客初到風度閒門僧未歸宮人入道云將敲碧落新齋磬卻進昭陽舊賜箏之類不一而足皆警句也楊敬之祭酒贈詩云幾度見君詩總好及觀標格過於詩平生不解藏人善到處逢人說項斯其名以此

益彰彙集一卷今行

馬戴

戴字虞臣華州人會昌四年左僕射王起下進士與項斯趙嘏同榜俱有盛名初應辟佐大同軍幕府與賈島許棠相唱答苦家貧爲祿代耕歲廩殊薄然日事吟詠思筆清超如秋思一絕云萬木秋霖後孤山夕照餘田園無歲計寒近憶樵漁調率如此後遷國子博士卒○戴詩壯麗居晚唐諸公之上優遊不迫沉著痛快兩不相傷佳作也早耽幽趣其鄉里當名山秦几一望赤日黃埃頓起凌雲之想結茅堂於玉

女洗頭盆下軒窗僻靜對懸瀑三十仞往還多隱者誰謂白頭從宦俸不醫貧徒與猿鶴之誚也有詩一

卷今傳

孟遲

遲字遲之平昌人會昌五年易重榜進士有詩名尤工絕句風流嫵媚皆宮商金石之聲與顧非熊同年情甚相得有詩一卷行於世

任蕃

或作翻

蕃會昌間人家江東常遊會稽苕霅間初應舉進士之京不第榜罷進謁主司曰僕本寒鄉之人不遠萬

里手遮赤日步來長安求一第榮父母而不得侍郎
豈不聞江東一任蕃家貧吟苦忍令其去如來日也
敢從此辭彈琴自娛學道自樂耳主司慚欲留不可
既歸江湖專事吟詠遊天台巾子峯題寺壁間云絕
頂新秋生夜涼鶴翻松露滴衣裳前峯月照一江水
僧在翠微開竹房既去百餘里欲回改作半江水行
到題處已有人改矣後復有題者亡其姓名曰任蕃
題後無人繼寂寞空山二百年其才名若是凡作必
使人改視易聽如洛陽道云憧憧洛陽道塵下生春
草行者豈無家無人在家老雞鳴前結束爭去恐不
早百年路傍盡白日車中曉求富江海狹取貴山嶽
小二端立在途奔走何由了蕃風度如此亦足想其
梗概矣有詩七十七首爲一卷今所傳已非全文

顧非熊

非熊姑蘇人况之子也少俊悟一覽輒能成誦工詩
譽揚遠近性滑稽好辯頗雜笑言凌轢氣焰子弟既
犯衆怒擠排者紛然在舉場角藝三十年屈聲破人
耳會昌五年諫議大夫陳商放榜初上洽聞非熊詩
價至是怪其不第勅有司進所試文章追榜放令及
第劉得仁賀以詩曰愚爲童稚時已解念君詩及得

高科早須逢聖主知授盱眙主簿不樂拜迎更厭鞭撻因棄官歸隱王司馬建送詩云江城柳色海門煙欲到茅山始下船知道君家當瀑布菖蒲潭在草堂前一時餞別吟贈俱名流後不知所終或傳其任茅山十餘年一旦遇異人相隨入深谷不復出云有詩一卷今行於世

曹鄴

鄴字鄴之桂林人累舉不第爲四怨三愁五情詩格甚高古時爲舍人韋慤所知力薦於禮部侍郎裴休大中四年張溫琪榜及第看榜日上主司詩云一辭

桂岩猿九泣都門月年年孟春至看花如看雪杏園宴間呈同年云歧路不在天十年行不至一旦公道開青雲在平地又云忽忽出九衢童僕顏色異故衣未及換尙有去年淚又云永持共齊心莫起胡越意佳句類此者極多而志更勤苦仕至洋州刺史有集一卷今傳

鄭嵎

嵎字賓光大中五年李郃榜進士有集一卷名津陽門詩津陽卽華清宮之外闕詢求父老爲詩百韻皆紀明皇時事也

劉駕

駕字司南大中六年禮部侍郎崔嶼下進士初與曹
鄴爲友深相結俱工古風鄴旣擢第不忍先歸客長
安中待駕成名迺同歸范蠡故山時國家復河湟故
地有歸馬放牛之象駕獻樂府十章序曰駕生唐二
十八年獲見明天子以德歸河湟臣得與天下夫婦
復爲太平人恨愚且賤不得拜舞上前作詩十篇雖
不足貢聲於廟形容盛德願與耕稼陶漁者歌江湖
田野間亦足自快詩奏上甚說累慙達官駕詩多比
興含蓄體無定規意盡卽止爲時所宗今集一卷行

於世

方干

干字飛雄桐廬人幼有清才惟拙於營務大中中舉
進士不第隱居鏡中湖北有茅齋湖西有松島每風
清月明攜穉子隣叟輕棹往返甚愜素心所居水木
幽閑一草一花俱能留客家貧蓄古琴行吟醉卧以
自娛徐凝初有詩名一見干器之遂相師友因授格
律干有贈凝詩云把得新詩草裏論時謂反語爲村
裏老疑干譏誚非也干貌陋免缺性喜凌侮王大夫
廉問浙東禮邀干至誤三拜人號爲方三拜王公嘉

其操將薦於朝託吳融草表行有日矣王公以疾逝
事不果成于早歲計偕往來兩京公卿好事者爭延
納而志終未得遂歸無復榮辱之念浙間凡有園林
名勝輒造主人留題幾遍初李頻學于爲詩頻及第
詩僧清越賀云弟子已折桂先生猶灌園咸通末卒
門人相與論德述跡謚曰玄英先生樂安孫卽等級
其遺詩三百七十餘篇爲十卷王贊論之曰饅肌滌
骨水瑩霞絢嘉肴自將不吮餘雋麗不葩芬苦不癯
棘當其得志倏與神會詞若未至意已獨往卽亦論
曰其秀也仙藥於常花其鳴也靈鼉於衆響觀其所

述論不過矣○昔黔婁先生死曾參與門人來弔問
曰先生終何以謚妻曰以康參曰先生存時食不充
腹衣不蓋形死則手足不斂傍無酒肉生不美死不
榮何樂而謚爲康哉妻曰昔先生國君用爲相辭不
受是有餘貴也君饋粟三十鍾辭不納是有餘富也
先生甘天下之淡味安天下之卑位不戚戚於貧賤
不遑遑於富貴求仁得仁求義得義謚之以康不亦
宜乎方干韋布之士生稱高尚死謚玄英其梗概大
節庶幾乎黔婁者耶

李頻

唐才子傳
頻字德新睦州壽昌人少秀悟長廬西山廣記覽於
詩特工與同里方干爲師友給事中姚合時稱詩穎
頻不憚千里丐其品第合見頻大加獎賞且愛其標
格卽以女妻之大中八年顏標榜擢進士調校書郎
爲南陵主簿試判入等遷武功令頻性耿介難干以
非理賑饑民戢豪右畿輔多倚賴之其行事卓卓可
傳懿宗嘉之賜緋銀魚擢侍御史守法不阿遷都官
員外郎表乞建州刺史至則布條教以禮治下時盜
所在衝突惟建賴頻以安未幾卒官其櫬還鄉時父
老相與扶柩哀悼葬永樂州爲立廟於梨山歲時致
祭診必禱獲佑至今頻詩雖出晚年體製多與劉隨
州相抗騷嚴風謹慘慘逼人有詩一卷行於世

李羣玉

羣玉字文山澧州人也清才曠逸不樂仕進專以吟
詠自適詩筆迥麗文體丰妍好吹笙美翰墨如玉謝
子弟別有一種風流親友強之赴舉一上卽止裴相
公休觀察湖南厚禮延致之郡中嘗勉之曰處士被
褐懷玉浮雲富貴名高而身不知神寶寧久棄荒途
子其行矣大中八年以草澤臣來京詣闕上表自進
詩三百篇休適入相復論薦上說之勅授弘文館校

唐才子傳 卷七
書郎李頻使君呼爲從兄歸湘中題詩二妃廟是暮
宿山舍夢見二女子來曰兒娥皇女英也承君佳句
徽珮將遊於汙漫願相從也俄而影滅羣玉自是鬱
鬱歲餘而卒段成式爲詩哭曰曾話黃陵事今爲白
日催老無男女累誰哭到泉臺今有詩三卷後集五
卷行世○夫灃浦古騷人之國屈平仕遭讒謗不知
所訴心煩慮亂賦爲離騷騷愁也已矣哉國無人知
我兮又何懷乎故都委身魚腹魂招兮不來芳草萎
地蕭艾參天奚獨一時而然也羣玉繼稟清修翱翔
大化人不知而不愠祿不及而不言望潯陽之亡極
挹杜蘭之緒馨款君門以披懷霑一命而潛跡風景
滿目復何讓於古人故其格調清越而多登山臨水
懷人送歸之作如遠客坐長夜雨聲孤寺秋清暈東
海水看取淺深愁等句已曲盡羈旅坎壈之情壯心
千里不擾於方寸亦大難矣

